

Ақийда дарслари (118-дарс). Иноят далили

Шайх Мұхаммад Содиқ Мұхаммад Юсуф роҳимаҳуллоҳнинг
“Ақоид илми ва унга боғлиқ масалалар” ва
“Суннит ақийдалар” китоблари асосида бериб борилади.

13:00 / 25.01.2021 4650

Бир хонага кирган одам ундаги жиҳозларнинг чиройли тартибда турганини күрса, дархол бу ишнинг ўта дидли киши ёки кишилар томонидан қилинганини сезади. Чунки кичик бир хонада ҳам, бирор тадбирини қилмаса, ундаги нарсалар ўз-ўзидан тартибга тушиб қолмаслиги аниқ.

Бас, шундай экан, одам боласи борлиққа назар солсин. Ундаги санаб адөғига етиб бўлмайдиган нарсаларни ақл лол қоладиган даражада тартибга солган ким? Албатта, Аллоҳ!

Аллоҳ таоло Фурқон сурасида қуйидагиларни айтади:

﴿رَيْنُمْ أَرْمَقَ وَأَجَارِسَ أَهِيفَ لَعَجَ وَأَجْوُرْبَ ءَامَّسْلَا يِذْلِكَ رَأْبَاتٌ﴾

«Осмонда буржлар қилган ва унда чироқ ва нур сочувчи ой қилган Зот баракотли, улуғ бўлди» (61-оят).

Осмондаги юлдузларнинг буржларини Аллоҳ яратмаса, ким яратади? Осмондаги чироқ – қуёшни Аллоҳ қилмаса, ким қила олар эди? Осмондаги нур сочиб турувчи ойни Аллоҳ яратмаса, ким яратади? Ана ўша нарсаларни яратган Зот баракотли ва буюк бўлмаса, ким баракотли ва буюк бўла оларди?

﴿أَرْوُكُشَ دَارِأً وَأَرْكَذِي نَأْ دَارِأً نَمَلَةَ فَلَخَ رَأَنَلَأَوَلِيَّ لَعَجَ يِذْلِكَ وَهَوَ﴾

«У ибрат олмоқни ирода қилган ва шукр қилмоқни ирода қилган киши учун кеча-кундузни бирин-кетин қилган Зотдир» (Фурқон сураси, 62-оят).

Аллоҳ таоло кеча билан кундузни бири кетиб, бири келадиган қилиб қўймаса, ким буни қила олар эди? Ким ибрат олмоқчи бўлса, шундан ибрат олсин. Ким Аллоҳ берган неъматга шукр қилмоқчи бўлса, шунга шукр қилсин.

Аллоҳ таоло Жосия сурасида қуидагиларни айтади:

نِم اُعَجْتَبَتْ لَ وَرْمَأَبَهِ فُكْلُفْلَأِ يُرْجَتْ لَ رَحْبَلَأُكَلَرَخَسِ يَدْلَأِ لَلَّا
نُورُكْشَتْ مُكَلَّغَلَ وَلْصَفَ

«Аллоҳ сизга денгизни унда Ўз амри билан кемалар юриши учун ва Унинг фазлидан исташингиз учун beminnat хизматкор қилиб қўйди. Шоядки, шукр келтирсангиз» (12-оят).

Аллоҳ таоло бошқа нарсалар қатори денгизни ҳам инсон учун мусаххар қилиб берди. Яъни beminnat хизматкор ўлароқ бўйсундириб қўйди. Умуман, денгизни инсон фойдаси учун яратди. Буни Аллоҳ таолодан бошқа ҳеч ким қила олмайди.

Инсон уни ўрганиб, ўз фойдасига хизмат қилдиришга уриниши керак. Аниқки, денгиз ўзи келиб хизмат қилмайди. Бу ҳақиқатни ушбу оятда: «... ва Унинг фазлидан исташингиз учун beminnat хизматкор қилиб қўйди» деганидан тушунамиз.

«Аллоҳнинг фазлидан бирор нарса келишини кутиб ўтиришингиз учун» демади, балки «...Унинг фазлидан исташингиз учун», деди.

كَلَدِيْفَ نِإِنْمَأْعِيْمَحْصَرَأَلَا يِفَ آمَوْتَأْوَمَسَلَا يِفَ آمُكَلَرَخَسَ وَ
نُورُكَفَتَيْمُوقَلَتَأْلَ

«Ва сизга осмонлардаги нарсаларни ва ердаги нарсаларни - ҳаммасини Ўз томонидан beminnat хизматкор қилиб қўйди. Албатта, ана шунда тафаккур қиладиган қавмлар учун оят(белги)лар бордир» (13-оят).

Демак, осмонлардаги ҳамма нарса Аллоҳ таоло томонидан инсон фойдаси учун бўйсундириб қўйилган.

Ердаги барча нарсалар Аллоҳ томонидан инсон фойдаси учун бўйсундирилгандир. Ҳақиқатни фақат тафаккур қилганлар тушуниб етадилар. Фақат ақл ишлатиш, тафаккур қилиш орқали борлиқдаги ҳамма нарсанинг инсон учун бўйсундирилгани англаб етилади ва улардан инсон учун фойда олинади. Ўз навбатида, ақл юритиш борлиқдаги барча нарсаларни инсонга бўйсундириб берган Зотга иймон келтириб, ибодат қилишга олиб келади. Бўлмаса, иймонсиз, қуруқ илм фойда эмас, зарар келтиради.

Ҳа, дунёдаги ҳеч бир нарса ўз-ўзидан бўлиб қолмаган. Уларнинг ҳаммасини Аллоҳ таолонинг Ўзи тартибга соган.

«Сунний ақийдалар» китобидан